

Canllawiau a chwestiynau cais Llwybr 1 (2026)

Ceisiadau am y cyllid grantiau bach (£60,000 neu lai)

Diolch am eich diddordeb mewn gwneud cais i Taith Llwybr 1 2026 – Symudedd Cyfranogwyr. Mae'r ddogfen hon yn nodi'r cwestiynau rydyn ni'n eu gofyn yn ein cais ac yn rhoi rhywfaint o gyngor ar yr hyn rydyn ni'n edrych am yn eich atebion. Mae'r canllaw hwn ar gyfer unrhyw un sydd am wneud cais am £60,000 neu lai. Yr unig sectorau sy'n gymwys i wneud cais am grantiau mawr yw Addysg Bellach, Addysg a Hyfforddiant Galwedigaethol ac Addysg Uwch.

Mae gan bob sector [Canllaw Llwybr 1](#) ei hun. Gwnewch yn siŵr eich bod wedi darllen y canllaw sy'n berthnasol i'ch sector cyn i chi ddechrau eich cais fel eich bod yn deall y Llwybr, a'r hyn yr ydym am ei ariannu. Mae'r canllaw yn cynnwys gwybodaeth am:

- pwy all wneud cais
- beth allwch chi wneud cais amdano
- pwy all gymryd rhan mewn symudeddau
- cyfraddau grant
- cyllid ychwanegol
- y prosesau ymgeisio, asesu a dyfarnu

Gwnewch yn siŵr hefyd eich bod yn darllen trwy [ein strategaeth](#) cyn dechrau cais. Mae'r strategaeth yn sail i bopeth a wnawn yn Taith, ac mae'r cwestiynau cymhwyso yn cyd-fynd â'n strategaeth.

I wneud cais i Lwybr 1, bydd angen i chi gwblhau:

- ffurflen gymhwyster
- cyfrifydd grant
- ffurflen gais

Gellir dod o hyd i ddolenni i'r dogfennau ar-lein, y cyfrifiannell grantiau y gellir eu llwytho a'r adnoddau ategol a gwybodaeth ar [wefan Taith](#).

Mae cyllid Taith ar gyfer Llwybr 1 yn gweithio ar sail gyfradd grant. I wybod faint y gallwch wneud cais amdano, mae'n rhaid i chi gwblhau cyfrifydd grant Taith yn gyntaf, [y gellir ei lwytho yma](#) neu ar ddechrau'r ffurflen gais. Pan fyddwch yn mewnbynnu nifer y cyfranogwyr (dysgwr neu staff), lle rydych am iddynt fynd, am ba hyd, a pha fath o symudedd y byddant yn ei wneud, bydd y cyfrifiannell grant yn cyfrifo'n awtomatig faint o arian y gallwch wneud cais amdano.. Mae'n rhaid i chi wneud hyn cyn i chi ddechrau'r cais fel eich bod yn gwybod a ddylech lenwi'r ffurflen ar gyfer grantiau bach (£60,000 neu lai) neu grantiau mawr (dros £60,000, ar gyfer ABacAHG ac AU yn unig). Os nad ydych yn siŵr, neu os oes gennych unrhyw gwestiynau, cysylltwch â thîm Taith ar [ymholiadau@taith.cymru](#). Gallwch hefyd ymweld â [gwefan Taith](#) i wyllo ein fideos byr ar sut i gwblhau'r cyfrifydd grantiau.

Rhaid cwblhau a chyflwyno'r holl ddogfennau **cyn y dyddiad cau sef 12pm ar 18 Mawrth 2026**. Os yw llenwi ffurflen gais ar-lein yn anodd i chi am unrhyw reswm, cysylltwch â thîm Taith a byddwn yn trafod opsiynau eraill.

Mae'n bwysig eich bod yn ateb pob cwestiwn yn drylwyr. Er mwyn eich helpu i ddeall yr hyn yr ydym am i chi fynd i'r afael ag ef yn eich atebion, rydym wedi darparu rhywfaint o destun ategol isod nifer o'r cwestiynau i roi mwy o fanylion am yr hyn y dylech edrych i'w gynnwys. Efallai na fydd yr aseswyr yn adnabod eich sefydliad neu rywfaint o'r derminoleg rydych chi'n ei ddefnyddio, felly rydyn ni'n argymhell eich bod chi'n gofyn i gydweithiwr neu ffrind ddarllen trwy'ch atebion i sicrhau eich bod wedi mynd i'r afael â phob cwestiwn yn llawn ac yn glir. Mae gennym derfyn uchaf o 400 gair ar gyfer pob un o'r cwestiynau, ond nid yw hyn yn golygu bod yn rhaid i chi ddarparu llawer o wybodaeth. Mae pwyntiau bwled fer yn hollol iawn cyn belled â'ch bod chi'n ateb y cwestiwn yn llawn. Peidiwch â phoeni am sillafu neu ramadeg.

Os oes gennych unrhyw gwestiynau am Llwybr 1 neu os hoffech sgwrs gydag un o dîm Taith am eich cynlluniau, mae croeso i chi gysylltu â ni ar ymholiadau@taith.cymru.

Cwestiynau

O fewn Llwybr 1 gallwch wneud cais am naill ai symudedd dysgwyr, symudedd staff, neu'r ddau. Bydd y cwestiynau yn y ffurflen gais yn amrywio yn dibynnu ar ba fathau o symudedd rydych chi'n gwneud cais amdanynt. Er mwyn eich helpu i ddeall pa gwestiynau y disgwylir i chi eu hateb yn y ffurflen gais, ar rai cwestiynau, rydym wedi rhoi seren a gwybodaeth i esbonio a yw'r cwestiwn yn berthnasol i symudedd dysgwyr, symudedd staff, neu'r ddau.

Rydym wedi darparu'r penawdau ar gyfer pob adran o'r cais fel y gallwch weld lle bydd y cwestiynau hyn yn cael eu gofyn yn y ffurflen gais, fel yr isod:

- AMCAN 1 – SICRHAU BOD CYFNEWIDFEYDD YN DARPARU'R EFFAITH FWYAF
- AMCAN 2- ARIANNU PROSIECTAU CYFNEWID DYSGU O SAFON UCHEL

AMCAN 1 – SICRHAU BOD CYFNEWIDFEYDD YN DARPARU'R EFFAITH FWYAF

Cwestiwn:

Rhowch grynodedb cyhoeddadwy o'ch prosiect, sy'n rhoi trosolwg byr a chlir o'r nodau, y gweithgareddau a'r cyfranogwyr, o leiaf. (Uchafswm 50 gair)

Testun cymorth:

Bydd y crynodeb hwn yn cael ei gyhoeddi ar ein gwefan i arddangos amcanion eich prosiect a'r effaith a gaiff hyn ar y cyfranogwyr a'r dysgwyr. Er nad yw'r crynodeb yn cael ei asesu, mae'n bwysig amlygu pa mor effeithiol fydd eich prosiect.

Bydd angen i chi ateb y cwestiwn hwn os ydych yn gwneud cais am unrhyw **symudedd Dysgwyr**

Cwestiwn:

Esboniwch sut y bydd eich prosiect yn creu cyfleoedd sy'n newid bywyd i ddysgwyr a phobl ifanc, yn enwedig i'r rhai o grwpiau sydd heb gynrychiolaeth ddigonol.

Testun cymorth:

Mae'r cwestiwn hwn yn rhoi cyfle i chi egluro pam a sut y bydd cyllid Taith o fudd i'ch dysgwyr/pobl ifanc. Bydd esboniad o rai o'r rhwystrau/heriau sy'n eu hwynebu, a pham y gallai'r cyfleoedd hyn newid bywyd iddynt o bosibl yn helpu i gryfhau'ch ateb.

*Bydd angen i chi ateb y cwestiwn hwn os ydych yn gwneud cais am **symudedd staff yn unig***

Cwestiwn:

Pwrpas Taith yw creu cyfleoedd sy'n newid bywydau i ddysgwyr a phobl ifanc ledled Cymru, yn enwedig y rhai o grwpiau sydd heb gynrychiolaeth ddigonol. Os nad yw dysgwyr yn cymryd rhan yn y prosiect, eglurwch pam nad yw hyn yn bosibl.

Testun cymorth:

Rydym yn deall nad yw'n bob amser yn bosibl i ddysgwyr gymryd rhan, a/neu y gallai fod amgylchiadau lle mai dim ond symudedd staff sy'n fwy addas i rai sefydliadau. Gwnewch yn siŵr eich bod yn egluro'n glir eich rhesymau dros beidio â chymryd dysgwyr.

Bydd angen i chi ateb y cwestiwn hwn os ydych yn gwneud cais am unrhyw symudedd staff

Cwestiwn:

Dylai gweithgaredd staff greu manteision uniongyrchol a pharhaol i ddysgwyr a phobl ifanc. Beth fydd yr effaith ar y dysgwyr o symudedd eich staff? Sut fyddwch chi'n sicrhau bod y dysgu'n cael ei rannu gyda dysgwyr, yn enwedig y rhai o grwpiau sydd heb gynrychiolaeth ddigonol?

Testun cymorth:

Pwrpas Taith yw creu cyfleoedd sy'n newid bywydau i ddysgwyr a phobl ifanc. Mae staff a gwirfoddolwyr yn chwarae rhan allweddol ym mywydau'r rhai y maent yn eu cefnogi, felly dyma ni angen i chi egluro sut y bydd eu cyfranogiad mewn symudedd Taith yn mynd ymlaen i fod o fudd i'ch dysgwyr. Gwnewch yn siŵr eich bod yn glir sut y bydd cyfranogiad staff o fudd arbennig i'r rhai o grwpiau sydd heb gynrychiolaeth ddigonol.

Bydd angen i chi ateb y cwestiwn nesaf os ydych yn gwneud cais am unrhyw symudeddau ymchwil

Cwestiwn:

Eglurwch beth fydd effaith eich symudeddau arfaethedig ar y cyfranogwyr ymchwil. Sut byddwch chi'n sicrhau bod ymchwilwyr gyrfa gynnar a myfyrwyr ôl-raddedig yn cael eu cefnogi i gael mynediad at y cyfleoedd hyn?

Testun cymorth:

Dylai symudeddau ymchwil ddarparu cyfleoedd yn bennaf i ymchwilwyr gyrfa gynnar neu fyfyrwyr ôl-raddedig gydweithio, datblygu eu hymchwil, a sefydlu rhwydweithiau a phartneriaethau ymchwil newydd. Os yw staff ymchwil mwy sefydledig yn cymryd rhan mewn symudeddau a ariennir gan Taith, dylen nhw chwarae rhan fentora i helpu ymchwilwyr llai profiadol i ddatblygu eu gyrfa.

Cwestiwn:

Mae cyfnewid rhyngwladol yn cynnwys dysgu rhwng unigolion neu grwpiau o Gymru a'r rhai o wlad arall. Sut bydd eich symudeddau arfaethedig yn sicrhau dysgu ystyrion rhwng cyfoedion rhwng cyfranogwyr o Gymru a gwledydd eraill, gan eu galluogi i rannu profiadau ac ymgysylltu â gwahanol ddiwylliannau?

Testun cymorth:

Wrth ateb y cwestiwn hwn, dylech ddisgrifio sut y bydd cyfranogwyr o Gymru a'ch partneriaid rhyngwladol yn dysgu'n weithredol oddi wrth ei gilydd. Eglurwch pa gyfleoedd fydd ar gyfer cyfnewid dwyffordd, fel gweithgareddau ar y cyd, gweithdai, neu ddigwyddiadau diwylliannol. Dylech ddangos sut y bydd eich symudedd yn hyrwyddo dealltwriaeth gydfuddiannol, dysgu rhyngddiwylliannol, a rhannu syniadau, sgiliau a phrofiadau yn hytrach na bod un grŵp yn arsylwi'r llall yn unig.

Cwestiwn:

Rhowch fanylion am sut y byddwch yn cefnogi cyfranogwyr o grwpiau heb gynrychiolaeth ddigonol.

Testun cymorth:

Mae'n bwysig bod cyfleoedd Taith ar gael i'r rhai sydd â'r rhwystrau mwyaf a'r mynediad lleiaf. Sut byddwch chi'n rhannu ac yn hyrwyddo'r cyfleoedd sydd gennych drwy gyllid Taith i'r rhai o grwpiau sydd heb gynrychiolaeth ddigonol yn eich sefydliad?

Cwestiwn:

SYLWER: Rhaid i o leiaf 25% o'r holl gyfranogwyr symudedd fod o grwpiau heb gynrychiolaeth ddigonol. Os nad ydych yn gwneud cais am symudedd dysgwyr ac mae hyn yn golygu na allwch gyrraedd y trothwy hwn, bydd angen i chi ddarparu rhagor o wybodaeth isod.

Pa ganran o'ch cyfranogwyr fydd o grwpiau heb gynrychiolaeth ddigonol?

* Bydd angen i chi ateb y cwestiwn hwn os ydych yn gwneud cais am unrhyw **symudedd staff***

Cwestiwn:

**Faint o ddysgwyr fydd yn elwa'n uniongyrchol o symudedd eich staff?
(Gallai hyn fod yn sefydliad eang, neu'n benodol i ddsbarth neu grŵp targedig o ddysgwyr)**

Bydd angen i chi ateb y cwestiwn hwn os ydych yn gwneud cais am unrhyw symudedd staff

Cwestiwn:

Pa ganran o'r dysgwyr hyn fydd o grwpiau heb gynrychiolaeth ddigonol?

Rhaid i hyn fod o leiaf 25%

AMCAN 2- ARIANNU PROSIECTAU CYFNEWID DYSGU O SAFON UCHEL

Cwestiwn:

I ble ydych chi'n bwriadu teithio a pham? Os ydych yn teithio i fwy nag un cyrchfan, rhowch fanylion am bob un.

Testun cymorth:

Mae Taith yn ariannu symudeddau i gyrchfannau ledled y byd, ond mae'n bwysig eich bod yn ystyried effaith amgylcheddol wrth ddewis eich gwlad/gwledydd cyrchfan. Defnyddiwch y gofod hwn i esbonio pam eich bod yn dewis y cyrchfan(nau) hwn a pham ei fod yn addas ar gyfer eich cyfranogwyr. Lle mae cyrchfan ymhell o Gymru, pam mae angen teithio i'r gyrchfan honno yn hytrach na chyrchfan agosach? Pam y bydd y cyfranogwyr yn elwa'n benodol o deithio i'ch cyrchfan arfaethedig, yn hytrach na rhywle gwahanol?

Cwestiwn:

Sut ydych chi'n rhagweld rheoli'r prosiect a pha gynlluniau sydd gennych chi i wneud hynny? Oes gan eich sefydliad brofiad o gyflawni prosiectau tebyg? Os felly, rhowch fanylion.

Testun cymorth:

Defnyddiwch y blwch hwn i roi manylion am sut y byddwch yn sicrhau bod y prosiect yn cael ei reoli'n dda. Os oes gennych brofiad blaenorol o ddarparu rhywbeth tebyg, rhowch fanylion. Os na wnewch hynny, defnyddiwch y gofod i esbonio sut y byddwch yn rheoli'r prosiect yn effeithiol o fewn eich sefydliad.

Cwestiwn:

Fyddwch chi'n gweithio gyda darparwr trydydd parti i gyflawni eich prosiect? Darparwr trydydd parti yw sefydliad sy'n trefnu, cydlynu neu hwyluso unrhyw ran o'r prosiect yn gyfnewid am daliad, ac sydd ddim yn gymwys fel sefydliad i wneud cais na bod yn aelod o gonsortiw.

Testun cymorth:

Os ydych chi'n bwriadu defnyddio darparwr trydydd parti i helpu i gyflawni eich prosiect, esboniwch pwy ydyn nhw, pa wasanaethau y byddan nhw'n eu darparu, a pham mae eu cyfranogiad yn angenrheidiol. Gallai enghreifftiau gynnwys sefydliadau sy'n trefnu teithio, llety, lleoliadau, hyfforddiant, neu gymorth logistaidd i gyfranogwyr yn gyfnewid am daliad. Ni chaniateir i ddarparwyr trydydd parti ysgrifennu'r cais am gyllid ar gyfer Taith. Cyfrifoldeb y sefydliad sy'n gwneud y cais yn unig yw paratoi a chyflwyno'r cais, gan gynnwys ei holl gynnwys. Am ganllawiau manwl ar rôl darparwyr trydydd parti, cyfeiriwch at adran 7.1.1 o Ganllaw Rhaglen eich sector.

Cwestiwn:

Sut byddwch chi'n sicrhau bod mesurau diogelu/dyletswydd gofal priodol ar waith yn ystod teithiau allanol a mewnol ac yn ystod cyfnewidiadau rhithwir?

Testun cymorth:

Fel rhan o'ch rheolaeth prosiect, mae angen i chi ystyried pa fesurau y byddwch yn eu cymryd i ddiogelu iechyd, lles a hawliau dynol eich cyfranogwyr trwy gydol eich prosiect. Rhowch fanylion ar sut rydych yn bwriadu gwneud hyn ac unrhyw bolisiâu sydd gennych ar waith.

Gweithgareddau Prosiect

*Bydd angen i chi ateb y cwestiwn nesaf os ydych yn gwneud cais am **ymweliad paratoadol***

Cwestiwn:

Ydych chi'n cynllunio ymweliad(au) paratoadol? Rhowch gyfiawnhad byr pam mae angen hyn.

Testun cymorth:

Disgrifiwch yr hyn rydych chi'n anelu at ei gyflawni drwy'r ymweliad a sut y bydd yn eich helpu i gynllunio a chyflwyno'r symudeddau'n effeithiol. Dylech amlinellu pa weithgareddau fydd yn digwydd yn ystod yr ymweliad a sut y bydd yr ymweliad yn sicrhau bod symudeddau'r dyfodol wedi'u trefnu'n dda ac yn ddiogel.

*Bydd angen i chi ateb y cwestiwn nesaf os ydych yn gwneud cais am **symudedd grŵp***

Cwestiwn:

Rhowch y rhesymeg dros y gymhareb o gyfranogwyr sy'n oedolion sy'n cydfynd â dysgwyr ar gyfer pob symudiad grŵp?

Testun cymorth:

Bydd oedolion sy'n gwmni yn cefnogi dysgwyr ar symudedd grŵp ac yn arwain y profiad dysgu. Bydd y gymhareb o oedolion sy'n gwmni i ddysgwyr yn wahanol ar gyfer pob sefydliad ac yn dibynnu ar oedran ac anghenion penodol y dysgwyr sy'n cymryd rhan. Defnyddiwch y blwch hwn i egluro eich rhesymeg y tu ôl i'r rhifau y gofynnwyd amdanynt.

*Bydd angen i chi ateb y cwestiwn nesaf am **bob gweithgaredd staff rydych yn gwneud cais amdano***

Cwestiwn:

Rhowch gyfiawnhad clir dros nifer y staff a ofynnir amdani ar gyfer y symudedd hwn ac esboniwch sut y bydd hyn yn helpu i gyflawni eich nodau?

Testun cymorth:

Eglurwch pam eich bod wedi dewis nifer y cyfranogwyr staff ar gyfer pob gweithgaredd staff rydych chi'n gwneud cais amdano. Dylech gyfiawnhau sut mae'r niferoedd hyn yn briodol ar gyfer maint, amcanion a gweithgareddau eich prosiect. Dylech amlinellu pam mae pob aelod o staff yn hanfodol a sut byddant yn cyfrannu at gyflawni canlyniadau dysgu'r prosiect, a sut mae nifer y symudeddau yn cynrychioli gwerth da am arian.

Cynaliadwyedd ac Effaith Ehangach

Cwestiwn:

Beth fyddwch chi'n ei wneud i liniaru effaith amgylcheddol eich prosiect? Lle nad yw opsiynau teithio gwyrdd yn bosibl, dylech gynnwys manylion arferion cynaliadwy eraill y byddwch yn eu rhoi ar waith.

Testun cymorth:

Defnyddiwch y blwch hwn i egluro popeth y byddwch yn ei wneud i sicrhau bod eich prosiect mor gynaliadwy a phosibl. Os ydych yn bwriadu defnyddio dulliau teithio gwyrdd, rhowch fanylion yma.